

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 467 del 25/02/2026

I complimentenc ai atlec di trei teritories da man de Mattle, Fugatti, Kompatscher e di assessores enciarié al sport. Te la mostra interativa del Euregio a Dispruch ades troa lèrga ence la storia olimpica

I champions del Euregio: 24 medaes ventes a la Olimpiades

[Ladino] I resultac arjunc dai atlec del Euregio Tirol-Sudtirolo-Trentin ai XXV Jeghes Olimpics da d'Invern i é zis bogn: te 21 garejèdes, 29 atlec che vegn dai trei teritories à vent en dut 12 medaes de or, 14 de arjent e 17 de bron.

Se vegn dombrà demò la medaes per ogne spezialità (e no per persona) descheche vegn fat te la regoeta ofizièla de la medaes de la olimpiades, l'Euregio à arjont en dut 24 medaes: 7 de or, 8 de arjent e 9 de bron.

L President del Euregio e capitan del Tirol Anton Mattle, adum coi presidenc de la Provinzies Autonomes de Trent Maurizio Fugatti e de Busan Arno Kompatscher e ai assessores al sport Philip Wohlgemuth (Tirol), Mattia Gottardi (Trentin) e Peter Brunner (Sudtirolo), à sottrissà l zis bon resultac arjont: jan sorafora la seides di confins, i teritories del Euregio met adum sia tradizions fones per l stravardament di sport da d'invern. Atletes e atlec olimpics à desmostrà abilitèdes, gaissa e determinazion. De bie complimentenc i ge vegn sporc a duc i partezipanc del Euregio: con sia prestazions i à regalà momenc maraveousc, ence de gra al empegn e al lurier de endrez fat da sacotanta persones e da la organizacions sportives.

Da ades se pel se recordèr de la storia olimpica ti teritories del Euregio ence aló dal Euregio Infopoint de Dispruch: la mostra digitèla interativa, de fat, enstadì la é stata smaorèda con na sezion dedichèda a la Olimpiades.

L'inaudazion la é stata fata ai 3 de firé, olache à tout pèrt l vizepresident tiroleis Wohlgemuth ensema al curador Christian Rainer, Matthias Egger (Archivie comunèl de Dispruch), i dozenc de la Università de Dispruch Kurt Scharr e Wolfgang Meixner e l Secretèr Generèl del Euregio Matthias Fink.

La neva sezion de la mostra met al luster i Jeghes Olimpics da d'invern del 1964 e del 1976 de Dispruch e la ge dèsc lèrga ai suzesc maraveousc e a evenc, vèlch outa ries, de atletes e atlec del Tirol, Sudtirolo e Trentin da la pruma Olimpiades scin anchecondì. Ti meisc che vegn la informazions les vegnarà integrèdes con cheles di Jeghes Olimpics del 2026, co la neva che, de gra a la garejèdes de biathlon a Anterselva e a la disciplines nordiches te Fiem, i teritories del Euregio, pel se definir sentes olimpiches.

Ai Jeghes Olimpics da d'invern à tout pèrt 124 atlec en dut del Euregio, avisa 41 del Tirol, 47 del Sudtirolo e 36 e del Trentin. L resultac del Euregio l é n muie balanzà: i atlec e la atletes del Sudtirolo à arjont 15 medaes, do ge vegn do a roda sie coleghes e sia coleghes trentins e tiroleisc, con 14 medaes per delegazion; 11 la medaes ventes da la eles, 18 dai omegn.

L dombrament de la medaes arjontes dal Euregio se pel l comparèr demò en pèrt con chel olimpich ofizièl: da na man l Euregio l à vent n podie per ogne garejèda, apontin descheche vegn fora da chel de la medaes ofizièl. Te chest cajo, ge vel tegnir cont che te la garejèdes a squadres e te la stafetes i atlec del Euregio spartesc adum en pèrt la medaes coi etres comembres de la federazions sportives taliènes e austriaches.

Te na prospetiva personèla, l Euregio à ence dombrà ogne medaa per persona. Te la garejèdes a squadre e te la stafetes chest vel dir che l Euregio à vent n numer più aut de medaes, a pat che amancol doi atlec del Euregio i sie jic sui sciaires del podie.

Te la enjonta: regoeta de la medaes e champions.

Traduzion di Servijes Linguistics e Culturèi del Comun general de Fascia

(cdt)